

معناسيز ھذيانلار يا معنالي سۆزلر؟. علي رضا اردبيلي

1. دىقت دىلنمك، دىقت مركزىندە اولماق آرزوسو
2. "تبريزلي باي بك" و معناسيز ھذيانلار
3. آذربايجان ضيالي لارينا قارشى كامپانيا
4. قوزئي آذربايجان و توركيه ايقتيدارلارينا قارشى زهرلي تيليغات
5. شوبهه لي خبرلر و نامعلوم خبر قايناقلاري
6. معنالي بير سوأل
7. آنتي ايمپيرياليستي شوعارلار
8. گون آذ تي وي
9. ميللي حرکاتين سیرالاريندا يئنگين ليک علامتلي

سون سۆز

اينترنت سايتلاريندا اولان ايمكانلارين محدودلوقونو نظره آلاق، بو مقاله ده، من عرب اليغاسيندا تاپ ائتمكده چوخ واختلار تورك ديلينده شكيل چي لره عاييد اولان "يان-يانا آما آيري" يازماق قايداسينا ريعايت ائتمه ميشم. سبب بودور كي، بو حالدا اينترنت سايتلاريندا سۆزلرين ايملا دوزني دوزگون عكس ائتديريلمير. ميثال اوچون "موسيقي چي لريميزين" سۆزونو "موسيقي چي لريميزين" كيمي تاپ ائتميشم. اصلينده بيرينجي حال دوزگون دور، آما چوخ اينترنت سايتلاريندا سۆزون گرافيكي حيصه لري بير-بيرينه پاييشير و سۆز "موسيقي چي لريميزين" كيمي يعني پاييشيق شكيلده نوماييش اولونور. منيم تاپ ائتي ييم حال دا ايسه بير سيرا حاللاردا، سۆزلرين بير حيصه سي سطر دن سطره كئچنده بۇلونوب، اوخونماقدا چتينيلىك يارداقدير. من بو ايشه بير ائكسپيريمنت كيمي باخيرام و بو تجروبه نين نتيجه سيني گله جك ايشلريمده نظره آلاچام. گتيردي ييم سينت لاردا، ايملا و اينشا سهولري هابئله قوندارما سۆزلر و ايفاده لر "تبريزلي باي بك" دن دير.

1. دىقت دىلنمك، دىقت مركزىندە اولماق آرزوسو

بیر چوخ غرب اۆلكه لرينده 15-44 ياش اينترواليندا اولانلار اوچون، اينتيچار، ان عادي اۆلوم سببي دير . آما ناموفق اينتيچار، اونون اۆلومنين نتيجه لنن حاللاريندا چوخ آرتيق دير. ميثال اوچون 2003 جي ايلده ايسوئچين 15-24 ياشلي لاري آراسيندا 2000 نفر اينتيچار ائسه ده اونلاردان يالنيز 118 نفر حياتلارينا سون قويوب و قالاني نجات تاپميشلار . موختليف آراشديرمالارا گۆره گنجلر آراسيندا اينتيچار اكرت حاللاردا، بير نۆوع اطرفداكيلاردان ايمداد ايسته مك رولو اويناير. موختليف روحي عذابلار و ناسازليقلارا دۆزه بيلمه ين بو جاوان اينسانلار، گوبا اۆز حياتلارينا قصد ائتمك كيمي بير دراماتيک آديملا، اطرافين دىقتي ني چككم ايسته بيرلر. بو سۆزلر اينسان پسيكولوژي سینه عاييد اولسادا، بودا بير فاكت دير كي، اينسانلاردان عيبارت سياسي-ايچتيماعي حرکات دا، بو اينسانلارين شخصي احوالي روحيه لریندن تأثير آليرلار.

آذربايجان ميللي آزادليق حرکاتي هر باخيمدان گنج بير وارليق دير . آذربايجان ين اسارت تاريخي و ميلتيميزين آزادليق يولوندا موجاديله تاريخي قديم اولسادا، ايندي جرياندا اولان حرکات ايشتيراكچيلاري ان اوزاغي 20 ايلدير كي، اۆز ميللي منافعلري اوغروندا سياست و موباريزه مئيدانيندايرلار. ياپدا قورويان چايلاردان، پاييزدا آخان ايلك سولارين تركيبنده چوخ چۆر-چۆب اولدوغو كيمي، تاريخي وقفه لردن سونرا مارشا باشلاميش دموكراتيک حرکاتيميزين سیرالاريندا بير ياندا تجروبه سيز، ساوادسيز و ضعيف كادرلار و باشقا طرفدن غئيري دموكراتيک تمايول لي و توتاليتر ايدئولوژيلره اۆده اولان شخصلر وارديرلار و ديگر طرفدن ميلتيميزين يئتيشردي بي بوتون ضيالي زومره ميز، هله ميللي حرکاتين سیرالاريندا دئيل لر.

شرح ائتي ييم سببلر و بير چوخ باشقا چاتيشمامازليقلارين عوجوباتيندان داخيل ده و خارج ده، بۇحرانلي شخصلرين واخت اشيري تظاهورونا شاهيد اولوروق . منجه بو مقاله نين ايلك سطرلرينده ايشاره ائتي ييم گنجلر آراسيندا اولان اينتيچار قصدي فنومني له، ميللي حرکاتين سیرالاريندا باش وئرن آنلاشيلماز "عوصيان"لارين آراسيندا اوخشارليقلاري گۆرمك چتين دئيل دير. هر ايكي حالدا روحي و عقلي باخيمدان بۇحرانلي شخصلر، اطرافلارينداكي لارين دىقتيني جلب ائتمكدن اوميدلريني قيريلميش حيس ائتيكلريندن سونرا، غيري عادي بير ايشه ال وورورلار .

2. "تبريزلي باي بك" و معناسيز هذيانلار

يوخاريدا دئيلن باخيمدان بير تأسسوف دوغوران حئكايت، "تبريزلي باي بك" ايمضاسي نين صاحيپنه مخصوص دور. بو بي هر يانا ال وورور، جوره به جوره تشبوثلرله چيخيش ائدير، قوزئي آذربايجان حاكيميته نه قارشى ايرنج نيفرت كامپانياسي آپارير و س. بوتون بونلارلا بئله جيدي قبول اولمايان بو شخص، اوزونو ديفت مركزينده گوره بيلمه مكدن حيدتته گليب، اونا-بونا قارشى يامان-پووز ياغديرماغا باشلايير. تكجه سون ايل ياريم عرضينده "تبريزلي باي بك" يئني بير بايراق ياراتماق، آذربايجان تشكىلاتلاري نين فعاليتلرينه ايجازه وئرمه مك، "تبريزلي باي بك" دن ايجازه سيز تشكىلات ياراديب و اونا بايراق سئچنلري مسئوليته جلب ائتمك، آذربايجان سرحدلريني موعينلشديرمك و نهايت اليغا مسئله سيني حل ائتمك كيمي آرزولارا صاحيب اولدوغون اعلان ائدير. او 7 ايول 2008 تاريخلي بير يازيدا 5 فيتوايه ايمضا آتيدير:

1. "آذربايجان، و اوزلليكله ده گونئي بؤلمه سي بو گون او دورومدا ديبلدير كي

چئشيتلي تشكىلاتلارين يارانماسينا ايزين وئرسين..."

2. "تشكىلات ياراديب و اونا بايراق ياراتان شخصلر گله جكده اوز ايشلري نين

مسئولينين داشيياحقلار ."

3. "بايراق مسئله سي ياخين گونلرده بير دفعه ليك چؤزولمه ليدير ."

4 و 5 "اوندان سونرا، سئنئر (مرز) و اليغا قونولاري گوندمه چيخاريليب و چؤزولمه

لي اولاجاقلار". (نؤمره قويماق مندن دير)

بو آرزولاري داشيديغيني اعلان ائدن "تبريزلي باي بك" ين اونلاري حياتا كئچيرمكده بؤيوك شانسلارا ماليك اولماديغيني باشا دوشمك راحت دير. "تبريزلي باي بك" ين يئني بايراق ياراتماق نيداسينا لببيك ديبنلرين يوزده 80 فايضيني صاحيبي معلوم اولمايان ايمضالار تشكىل ائديري :

1. آنا ائلين

2. آنيل آنا

3. آيتان ار اوغلو

4. يوكسل اوزناي

5. ائلشن گونئيلى

6. اوغوز ارگين

7. اولوس

8. بابك آذربايجانلي

9. "جمعى از دانشجويان دانشگاهها در حمايت از سمبل ملي آذربايجان جنوبى" (درحال تكذيب اولدو)

10. حسين قاراقلانلي

11. خزر گونئيلى

12. سنئر ياشار

13. سرينگول باش يوردلي

14. قزلباش بؤروسوي

5. كورشات مرندي

16. مارالان تبريزلي

17. ميللي پارتي

البته اول بيلر كي بو ايمضالاردان بعضي سي نين صاحيبي منيم اوچون معلوم اولماسادا، كيملره سه معلومدور اما بوردا، منيم منظوروم خصوصي بير معلومات چئوره سي يوخ، عمومي اوخوجو کوتله سي دير.

رئال ليقل آراسيني كسن "تبريزلي باي بك" اوز اوغورسوزلوغونون سببلريني باشقالاريندا آختارير، دوزومسوزلوك ائدير، عصبيلشير و ديفت جلب ائتمك اوچون اونا-بونا ياراماز سؤزلر سؤيله مه يه باشلايير. بي

31 ايول 2008 تاريخلي، "سؤز گونئيدندير" ... باشليغي آينداكي يازيسيندا، اوز عصب لشمه سي و استيصاليني عياني نوماييش ائديريير. لوطفاً او يازيدان بير نئچه جومله يه ديفت ائدين:

"من داها دوشونمك بيله ايستميرم كي ندن بئلنچي اؤنم داشيان قونودا هامى

سوسوب و زامان اولدورمه به مشغولدور!"

"...أما من دئيم و ائله منده ائشيتديم."

"سؤز صاحيلري نين سوسماسي سونوجوندا..."

"هامينيزين ميللي بورجونوزدور كي كسكين مؤوقئيتينيزي بيلديريب و سيمگه

سورونونون بير دفعه ليك چؤزولمه سينه يارديم اندسيز. سسسيز قالمانيزين يالنيز

بير آنلامي اولاجاقدير، ميللي هرکاتين ايلرله مه سين و بيرلشمه سينه قارشى

دورورسوز!"

"أچيقجاسينا يا هن دئيين و يا يوخ"

"چوخ از شخص و قوروم سيمگه قونوسونا توخوناراق دوشونجه لرين بيلديرينلر."

"من دئيرم كي ساده اولاراق بئله بير بيانات يايينلاسينلار كي،" ..

"تبريزلي باي بك" سانكي اؤزونون يازديغي جومله لرين ده معناسيني باشا دوشمه بير و ائله همن

يازيذا بير ماراخلي امر وئرير:

"بو سيمگه اولماليدير، هر نه اولورسا اولسون"

بو بايراغين يارانماسي اوچون دوغرودان دا "هر نه اولورسا اولسون" واسيطه به متوسل اولور. او جومله

دن داخيل ده گويا 6 اينستيتوتون طلبه لري طرفيندان "جمعى از دانشجويان دانشگاهها در

حمایت از سميل ملی آذربايجان جنوبی" ايمضاسيلا بير مکتوب اويدوردولاركي، درحال تکذيب

اولور.

يوخاريداکي سطيپرلرين نشريندن 8 آي کنچير و من بو بي بين ايداره ائندي يي سايتي ايزله مه دي ييم

اوچون، بيلميرم كي همن 8 آي عرضينده آيا بو بي، آذربايجان سرحدلري و تورک ديلي نين اليقيا

سيني موعين لشديرمك اوچون هانسي سا عمليات آپاريدير يا يوخ. أمما "تبريزلي باي بك" 20 مارت

2009 تاريخينده بايراق ياراتماق دا قازاديغي اوغورو بئله وصف ائدير :

"گونئي اوچون ميللي سيمگه لازيمدير يا يوخ مسئله سيندن سؤز ائديرم. او دؤنمده

بير چوخلو شخص، گرچک يا ساختا آد ايله مئيدانا چيخيب، طرفدار يا موخاليف

نظرلرين وئرير و يوخ اولدولار)"!ألما دئسم گل، هئيو دئسم يوخ!" باشليقلي يازي دان)

بئله ليکله بايراق يارداماق سئوادسينا دوشموش "تبريزلي باي بك" حقيقت له اوزلشمه لي اولور أمما

تأسسوفله، اؤز اوغورسوزلوغونون سبيلريني باشقالاريندا آختارير و او جومله دن بو حئکمتلي سؤزلري

قلمه آليز:

"بو سون سؤزومدور كي او ساختا فعاللار دئيرم. توپارلانين و ميلتيميزين گله جگيله

اوينامايين. سؤزونوز، گوجونوز و ايسته كي نيز يوخدورسا، يولدان چکيلين و

مئيداني ارلره تاپيشيرين. بلليدير كي اون ايللر بويو اؤز باشينيزا ياراناراق بير قازانچ

الده ائتمه ييبسيز، ان ازيندان اونوزماغا ندن اولماييم".(سؤز گونئيدن گئدير" آدلي

يازيدان)

اؤزونو "ساختا فعاللار" قارشى سيندا دوران "ار" سانان "تبريزلي باي بك"ين ايشي بونلارلا

بیتيمير. همن يازي دا داها بير داهيانه ايستيدلال گئيريب، ايديعا ائدير كي، اگر بو بايراق ايران ايسلام

جومهوريتي نين اطلاعات اورقاني طرفيندن آرايا آتيلميش اولسادا، بيز، اونو قبول ائتمکله، دوشمن ين

اطلاعات اورقاني ني ورشکست ائتمه لي ييک !بي ين اؤز سوزلرينه ديقت ائدين :

"ايندي حئی اگر اينناساق كي بو سيمگه ني ايران اطلاعاتي اؤنريب، و اونون

اتکيسينه اينناساق، ياني كي بير سيمگه نين گرکلي اولدوغون اطلاعات بيزدن داها

تئز آنلاياراق اوندان سو استيفاده ائتمگه قالحيديرسا، ائله قوي او سيمگه ني

منيمسه يک)" همن يازيدان)

بو بي، بو مئتودي ايران ايسلام جومهوريتي نين رهبرلري نين نبوغوندان اؤيرندي ييني دئير. او ايديعا

ائدير كي گويا ايران ايسلام جومهوريتي ده واختيلا دوشمنلرين جعل ائنديکلري اسکيناسلاري حقيقي

اسکیناس کیمی قبول ائتمکله، دوشمن یین ائوینی بیخمیشدیر!؟ سؤزو اوزاتماق ایستمه سم ده، کیملرین میللتیمیزه بایراق، الیفا و سرحد موعین لشدیرمک هوسینه دوشدویونو گؤسترمک اوچون بو شیرین جعلی اسکیناس حنکایه سین، مؤلفین اوز دلیندن نقل ائتمک ایستیرم .مجبورام قئید ایدم کي، بو بی یین ایملاسیندا" **قلکه** " یازیلان سؤزوو" **اولکه** " اوخوماساز، مطلبی آماق چتین اولاییلر :

"ساختا پوللار چاپ ائله دیلر و ایران آدلانان قلکه نین بازارینا تۇكدولر. گونئیده اولانلار هر حالده بیلیرله ندن سؤز ائدیرم. او ۱۰۰ تومنلیکلر کی مسجد القصی-سی یازیلمامیشدی! هر هانچی بیر دئولت اولسایدی، بلکی بو ساختا پوللارا گوره ده اولسایدی ایقتیصادی اوچوروما دوشموشدی! اما موللار نه ائتدیلر؟ اینانمادیغینیز شکیلده، او ساختا پوللاری قانونی ائلان ائتدیلر! نچه میلیون دولارا مال اولان ساختا پوللار، ایران آدلانان اولکه نین رسمی پولو اولدو! و او پوللاری چاپ ائدن گوجلرسه آغیر شکیلده یئنیلیدیلر)" *همن یازی دان*

گوردویوز کیمی " تیریزلی بای بک " اویدورما ناغیلین قهرمانی اولان ایران رژیمین نین، جعلی پول لاری، اصیل پول کیمی قبول ائدیپ دوشمن یین ائوین بیخدیغی کیمی (!)، ایران اطلاعاتی نین آرابایا آدیغی بایراغی قبول ائتمک، ایران رژیمینی نین مغلوبیتی دئمکدیر!!! (آفرین، صد مرحبا بو نبوغا و اونون صاحبینه!)

3. آذربایجان ضیالی لارینا قارشى کامپانیا

یوخاریدا ایشاره اولان داورانیشلار و بیاناتلار اگر نورمال بیر اینسان اوچون عاغیلدان اوزاق نظره گلیرسه، اولاین مؤلفی اولان "تیریزلی بای بک" اوچون یقین کی، نورمال سسلنیر و بو بی، اوز داهیانه فیکیرلرینه آلیقیشلار یاغدیرمایانلارین، غیری ساغلام، ساتقین، کومونیسیت، ایرانچی، دوشمن و بو کیمی کاراکترلر اولدوقلارینی اعلان ائدیر. "تیریزلی بای بک" 8 سئتیابر 2009 تاریخینده آشاغی داکي یامان یووزلاری، آذربایجان ضیالی لاری، آذربایجان و تورکیه دئولتی حاقیندا یازیر:

"سخنگوی راسیسم، فاشیسم و شوونیسم فارس ... بلندگوهای خودفروخته ...

مستمریهای بی هویتی و ترس از قطع شدن آنها...

فدرالیستهای پانفارس و مانقورت...

رژیم دیکتاتور و خانوادگی الینو...

برخی تشکلات یکنفره و یا محفلی غیرفعال و ترمز گونه آذربایجانی ...

سخنان و حمایتها باب طبع استعمارگران است که حامی تداوم حاکمیت فارس بر

اکثریت غیر فارس میباشند...

رژیم دیکتاتور آذربایجان شمالی در حال غارت میباشد ...

نه الینو و دار و دسته اش و نه آ.ک.پ ملی و مردمی نیستند .

خیانت به حرکت ملی و اهانت به خون فعالان صدیقی است که به خاطر وطن، جان

خود را نیز مضایقه نکرده اند.

افرادی را دور خود جمع کنید که کارمند ادارات استخباراتی استعمارگران هستند .

ارتباط با سرویسهای جاسوسی ...

خودیهای خود فروخته ... (احمد اوبالی و... " آدلای یازی دان)

آیت الله سید کاظم شریعتمداری نین یادگاری و ضیالی لیبرال و آزادلیق سنور سیاستچی جناب حسن شریعتمداری میللتیمیزین تورکچو، سولجو و دیندار مؤمنلر کیمی، گئنیش لایه لری نین آراسیندا درین سایقی لایه اولان شخصیتلردن دیر. بوتون دونیادا اولدوغو کیمی آذربایجاندا دا عوموم میللتین گئنیش لایه لری نین حورمت و اعتمادینی قازانمیش شخصیت لر هم سایجا آز اولورلار و هم یئری گلنده میللتین طالعی نین معین اولماسیندا تعیین ائدیجی رول اوپنایا بیلیرلر. بو سؤزلرین جناب حسن شریعتمداری یه عایید اولدوغونو هامی دان یاخشی آیت الله سید کاظم شریعتمداری یه قارشى باغیشلانماز و اونودولماز طولم ائدن ایران ایسلام جومهوریتی بیلیر .جناب حسن شریعتمداری نین بیر شخصیت کیمی اهمیتی نی اونون بو ایل آوروپا پارلامنت ینده کی چیخیشی نین قازاندیغی عکس صدا سیندان دا دویماق اولاردی. آما آجیناجاقلی دیر کی ایران ایسلام جومهوریتی نین حنساب

آپاردیغی و میلتمیزین ده سون درجه ده ائتیاجی اولدوغو بو شخصیت ده "تبریزی بای بک"ین زهرلی کامپانیالاریندان کناردا قالا بیلمه میشدیر". نگاهی به نقشه مهندس حسن شریعتمداری و خطر تجزیه کامل آذربایجان "باشلیغی آلتیندا یازیلان بیر یازیدا اوخوجو مات-معطل قالیرکی، جناب شریعتمداری نین سؤزلری نین هاراسی آذربایجانی تجزیه ائتمه یه دلالت ائدیر!

14سنتیابر 2009 تاریخلی گویا تیراخدور فوتبال تیمینه عایید یازی داکی ایفاده لره فیکیر وئرن:

"سؤزده فئدئرالچیلیق اؤرتوسو آلتیندا گیزلنن پان-ایرانچیلار...
بونولا یاناشی ایسه نئجه شخصین تام آنلامیندا فارس شووونیسمنه قوللوق
ائدیکلرینی و خارجی اؤلکلرین ماراقلارینی قورومالارینی...
مئخاناذا اراق ایچیب کومونیسمی تعریف ائدیلر...
صیا صدرولشرافی کیمی ایرانچی نین بوش دانیشیقلا رینی..."

4. قوزئی آذربایجان و تورکیه ایقتیدارلارینا قارشى نيفرتلى كامپانيا

بو کامپانیا قیرمزی بیر خط کیمی "تبریزی بای بک"ین هذیان نامه لری آراسیندا سیستماتیک بیر صورتده آپاریلیر 2009 . سنتیابرین دوققوزی تاریخی داشایان "اثر" دن اؤرنکلر:

"تورکیه ده آ.ک.پ حاکیمدیر، قوزئی آذربایجاندا ایسه ی.ا.پ، و، آذربایجان
دوشمانلاری، وطن خاینلری و یادلارین گلیر قاینای نین گؤزجولری و قوروجولاری
بللی اولدو. ایلردیر کی بو قونودا یازیب دانیشیرام، اما، چوخ زامان اؤزلرینی میلی
فعال تانیتان ساتقینلار اونا قارشى چیخب و میلی بیلگیسز ساخلماق اوچون
چابالیرلار".

بو سطیرلرده عئینی حالدا ایکی موهوم نؤکته واردیر. بیرینچی سی بو شخصین آنتی آذربایجان و آنتی
تورکیه کامپانیاسی نین اوزون مودتلی و سیستماتیک آپاریلدیغی و ایکنجی میلی فعال لارین بو
کامپانیایا موناسیبتی. همن "اثر"ین دوامیندا اوخویوروق:

"دندیم بیزه خیانت ائدن تورکیه حاکیمیتیدیر، دئدیلر کی بو آدام تورک دوشمانیدیر!
دندیم الینو سولاله سی بیزه دوشماندیر، دئدیلر بو آدام آذربایجان دنولتی نین
صیدیدیر!

دندیم بیزیم باشیمیزا قونولان حاکیمیتلر هامیسی یاد قوللاریدلار، دئدیلر بو آدام
بیزی آلداتیر!

دندیم و دندیم و دندیم، اما، پروپاقتا گوجو ایله سیلاهلانان ساتقینلارین
باغیرقلاری بو دئییشلره کؤلکه سالدی."

گوردویوز کیمی، هم اونون بار-بار آذربایجان و تورکیه یه قارشى باغیرماغی و هم آذربایجان میلی
حرکاتی آراسیندا بو یاد و خاریج سسلرین اؤزونه یئر قازانمادیغینی داها آیدین بیر شکل ده ایفاده
ائتمک اولماز. بی یین "اثر"نین دوامیندا ماراخلی بیر مقام اورتایا چیخیر. بی حییس ائدیرکی اونون
زهرلی تبلیغاتی آذربایجان میلی آزادلیق حرکاتی نین ادبیاتیندا تام یئرسیز و یاد سسلنیر و چالیشیر
کی اؤزونون بو معنالی سؤزلری سؤیله مکده، یالنیز اولمادیغینی سؤیله سین. اما سنویندیرحی
حالدر کی بیر نغردن آرتیق آد تاپا بیلیمیر:

"بالنیز من یوخ، باشقالاریدا دئدی، صمد نیکنام دئدی" و اوخوجو بوردا بیر سلسیله آدلارین
سادالاندیغینی گؤزله سه ده صمد نیکنام دان باشقا بیر آد گورمور. (صمد نیکنام بو مدعا یه البته کی
اؤزو موناسیبت بیلدیرمه لی دیر (بو معنالی سؤزلرین آراسیندا بی قیزیشیب، قوزئی آذربایجان
رهبرلرینی "قولدور" آدلاندیریب و تحقیر کامپانیاسی نین حیدتی و چیرکین لی نین درجه سینده
معروف حسین شریعتمداری دن سیبقت آلیر:

"ایش باشیندا اولانلارین هامیسی اما هامیسی آنالاری نین امجینی کسن، مقام و
پول یانقینی و ملسف بیزیم سویون خاراب مؤهره لریدیرلر".

بیلدی ییز کیمی ایران ایسلام جومهوریتی نین "سحر" آدلای تئله ویزیا کانالی بو نؤوع کامپانیالارین ان
تانینمیش نومونه سی دیر. بو تبلیغاتا گوره قوزئی آذربایجانا ائرمنی تجاوووزو، ائرمستان-روسیه-ایران

نامقدس بیرلیگی یوخ، حیدر علی یئو و ایلهام علی یئوین سوچلاری دیر! بو حاقدا "تبریزلی بای بک" بن ایداره ائتدی یی سایت دا تتر-تتر ماتریال لار وئرلییر. بیر یازی نین باشلیغینا دیقت ائدین **"ایلهام الیئو مقاما چانماسی نین شیرنیسی اولاراق قاراباغی پایلار"**! ایران ایسلام جومهوریتی نین ائرمینی تجاویزونو اؤز میلی منافعینی نین قوللوغوندا اولماسینا اعتراف ائتدی یی حاللارین بیرینه دیقت ائدین. ایران ین خارجی ایشلر ناظیرلیگی نین اورقانی اولان "فصلنامه مطالعات آسیای مرکزی و قفقاز" ین باش رئاكتورو "قاسم ملکی" 1996-جی ایله ائرمینستانین کئچمیش پریزیدنتی لئون تتر پتراسیان ین تشبوتوايله، صلح موذاکیره لری جیددی نتیجه لره یاخینلاشدیغی زامان یازیر:

"در مذاکراتی که برای استقرار صلح و ثبات در منطقه برگزار میگردد ایران حضور ندارد. در هر صورت جمهوری اسلامی به طور حتم با هرگونه توافقی که بر اساس آن جمهوری آذربایجان قوی تر شود و روسیه بالعکس ضعیف تر شود مخالفت میکند" "سیاستهای نفتی در قفقاز، فصلنامه مطالعات آسیای مرکزی و قفقاز، سال ششم، دوره سوم، شماره 20، زمستان 1376، ص 19-28

قاسم ملکی تام آیدینلیغی ایله ائرمینی تجاویزونون ایران ماراخلارینی تأمین ائتدی یی نی اعتراف ائدیر. آما "تبریزلی بای بک" علی یئولری بو تجاویزده سوچلاییر! بو بوش مودعا ائله "سحر" تئله کانالی نین دائمی ترجیع بندلریندن دیر. نه "سحر" تئله کانالیندا و نه "بای بک" نامه دن معلوم اولمور کی، اگر علی یئولر قاراباغی ساتیب لار بس نه دن موناقیشه قورتارمیر!؟

قوزئی آذربایجان یالیز گونئیلی میلی آزادلیق وورغونلاری اوچون قوخ بلکه بوتون اهالی نین معنوی مدنی دونیالاری نین عزیز و دیلیر گوشه سی دیر. بو حاقدا من ساده جه بیر میثال گتیریرم. 2000-جی ایله، ایران سول رادیکال تشکیلاتلاری نین تبریزلی عالییم نظریه چی سی، تانینمیش اینقیلابچی سیما، ابولحسن بنی صدرله برابر بئرلین ده "اتحاد چپ سوسیالیستی" نین دعوتیله کئچیریلن بیر سئمیناردا، قوزئی آذربایجانا اؤز موناسیبتینی بیر سوألین جاوابیندا بئله شرح ائدیر: دونیادا یهودی هم لیبرال اولاییلر هم فاناتیک دینچی و هم کومونیست اما اونلارین هامیسی ایسرائیله قارشلی اوره کلرینده بیر سایقی و سنوگی داشییارلار (حافیظه دن نقل ائتدی ییم اوچون بو تبریزلی اینقیلابچی نین آدینی گتیرمیرم) همین موناسیبتی بوگون بوتون کوردلر طرفیندن عیراقین شیمالیندا قورولموش موختار کورد دؤولتنه قارشلی گورمک اولار.

ایران ایسلام جومهوریتی نین چیرکین آنتی تورک آنتی آذربایجان سیاستی نی آپاران، تورک منشالی دؤولت مأمورلاری و دؤولت رسمی لری ده بو قایدانان موستثنا تشکیل ائتمیرلر. ائله کی، موختلیف سویه لی بو دؤولت آداملاری، ایمکان تاپارکن، قوزئی آذربایجانلی طرفداشلارینا اؤز قلبی حیسیاتلارینی گؤسترمه یه چالیشیرلار. حتی قومون تورک آیت الله لاری نین دا شیمالی آذربایجانا قارشلی مؤوقعلری ایران ایسلام جومهوریتی نین رسمی خطیله اوست-اوسته دوشمور. اونلارین چوخو، قوزئی آذربایجان، ایسرائیل و آمریکا ایله موناسیبت ده اولان و قادینلاری نین باشلی آچیق اولان، یاریم موسلمانلار اولکه سی یوخ، ائله انی اتمیزدن، قانیا قانیمیزدان اولان علی شیعه لری نین یوردو سانیرلار. یادینیزا سالیرام کی، ایسلام عالمی نین ان گوزل سسلریندن بیرینه مالیک اولان حاجی سلیم مؤذن زاده بیر چوخ ایبلر محرم آبی و محرم مراسیمینده باکی دا توحه اوخوماغا گئدیردی .

مولاخیظه ائدیرسز کی، یوخاری سطرلرده ترسیم اولان بیر فون دا، "تبریزلی بای بک" ین آپاردیغی آنتی آذربایجان کامپانیاسی نچه فوندارما و نچه حنیرت دوغوران گورونور. آیا بو خط اونون معناسیز هدیانلاری نین بیر قیسمی دیر یا معنالی و سیستماتیک آپاریلان بیر سیاست ین ترکیب حیصه لری؟

دیرلی آیدین تبریزی نین "تبریزلی بای بک" ین بو مؤوضوعدا داها آغیلا سیغماز بیر هدیانا بنزر ایفاده سینی نقل ائدیر. معلوم اولان "تبریزلی بای بک" "نه اینکی فدرالچی لار، لاپ ائله قوزئی آذربایجانلی لاری دا" ایرانچی "حساب ائدیر :

"گونئی ایله قوزئی آراسیندا، و اصلینده آذربایجانلیلارلا ایرانچیلار" یعنی قوزئی لیبر ایرانچی دیرلار! **[آراسیندا باشلانان بو قالمالین... (آیدین تبریزی): "یورو وروویژن قالمالاری و بای بک سیتة سی" آدلی مقاله سیندن، [آراسینداکی قئید آیدین تبریزی دن دیر]**

گوردویوز کیمی "تبریزلی بای بک" ین قوزئی آذربایجانا قارشلی آپاردیغی نیفرت کامپانیاسی نین احاطه

سي گئيش دير و نورمال بير دوشونجه صاحبي اوجون اونون فيكيرلري نه اينكي گونئي آذربايجان توکچولوبو، حتي ان قاتي آنتي آذربايجان پروپاگاندا سينا بئله سيغمايان زهرلي سؤزلردير. گوره سن لوندون و لوس آنجلس ين عيرقچي آنتي تورک فارس منديالاريندا، کيمسه قوزتي آذربايجانين هاليسيني "يرانچي" آدلاندير مي؟!

بو مؤوضوعدا ان سون اولراق ايشاره انديم كي، مطبوعاتيميز اينتياه دؤورونون ان گوجلورقاني اولان بير درگي نين، قوزتي آذربايجان حاکميتينه قارشى نشر ائتدي يي ايکي قيضا نامربوط کومنتاري، ايلر اؤتندن سونرا و او درگي نين مطبوعات تاريخيميزده تاريخي رولو اولماسينا باخماپاراق، هله ده ياددان چيخماميش دير. بس گوره سن "تيريزلي باي بک" نين آذربايجان ميللي ازادليق مئديال فزاسيندا "سحر" تله کانالي نين بير ايفراطي شعبه سين ايداره ائتمه سینه مونسبيت نجه اولاجاقدير؟

5. شوبه له لي خبر لر و نامعلوم خبر قايناقلاري

"تيريزلي باي بک" اؤز سايتيندا هئج جينلرين بئله آغلينا خوطور ائتمه ين خبر لر نشر ائدير. بو خبرلرين قايناقلارينى وئرمه دي يي اوجون، معلوم اولمور كي بو خبرلره نجه ال تاپير و حتي خبرلرين اونا شفاهي يا کتبي چانديريلماسي بئله معلوم اولمور. يقين، گويا گونئي آذربايجان دا باش وئرميش فارس کيتابلارينى يانديرماق مراسيمي نين اويدورما خبر و شکیل لري نين سکاندالي چوخلاري نين ياديندا دير. بوردا من بو بي ين نامعلوم قايناقلاردان الهه انديب ياپديغي اويدورمالاريندان بير نجه اؤرنک وئيريم. سلطنت طلبلرين کئچيردي يي بير مراسيم حاقيندا، بو بي ين بير "اثر" ينده آشاغيداکي سطرلر واردير:

"لازم به ذکر است که جنبش کذائي فوق با گردهم آمدن برخي از سلطنت طلبها، مشروطه چي ها و فدرال خواهان فارس پرست ايجاد شده است و هدف آن منحرف کردن موج مليکرايي در آذربايجان است."

بو بي، او مراسيمده يا حضور و اريميش يادا بو خبري بير قايناقدان آلب. ايکينجي حالدا گرک قايناعين ماهيتي حاقدما معلومات وئردي. بيرده ماراخلي دير كي، بو بي ين نيغرت ائتدي يي "فدرال خواهان فارس پرست"، سلطنت طلب لرله ايجلاس کئچيرير اما بو بي اونلارين آدلارينى اچيقلايب هم اؤزونو و هم ميللي حرکاتي اونلارين شريندن خيلاص ائتمير. عجا بو مولاخيظه نين سببي نه دير؟!

"تيريزلي باي بک" نامعلوم بير قايناقدان، ايران رژيمي نين آچديغي سيته لردن آشاغيداکي محيرالعقول خبري وئير:

"ايران حاکميتي آذربايجان آدينا چالیشان پاسيو و خطسيز سيته لر ين فيلترين آچاراق، گوننده ياشاينلاري ايستر ايسته مز پاسيو و ختسيز اولماغا سوروتلير. باي بک-اين ميليتيچي و ايستيقلالچي داورانيشلارينا قارشى، ايرانچي و يا فئدرالچي سيته لر ين اچماسيلا موباريزه ائديلير."

بي دئيمر كي ايران حاکميتي طرفيندن آذربايجان آدينا چالیشان **هانسي** پاسيو و خطسيز سيته لر ين فيلترين اچيلميشدير. عجا داخيلده چالیشان مينلرله فعال لاريميز باشا دوشمورلر كي، رژيم بير قيسم آذربايجان سايتلارينا فيلتر قويمور! بيرده بي هله بيزه خبر وئرمه يب كي ايران حاکميتي، سؤزو گئدن يئني سايتلاري اچيب يا يوخ.

"تيريزلي باي بک" ايران رژيمي نين گيزلي فعاليتلريني ايفشا ائدن نامعلوم قايناق دان باشقا بير خبر ده آلميشدير:

"باي بک-ه گلن بيلگيره گوره ايرانچيلار ياخين ايلاردا آذربايجان ايجيندن بير يا ايکي قوروم يارانشين بيلديره جکلر كي ظاهرده بو گونکو فارس رئژيميله ضد، آنچاق ماهيتجه اونو قورويان قوللوغچولار اولاجاقلار. بو واسيطه ايله گرچک ميلتچيلرين داها گوجلور و داها گئيش چاليشمالاري بو گون آذربايجان اوجون اؤنملي بير گرک

اولماقداير

ماراخلي دير بو قدر آذربايجان سايتلاريندان ائله بو حيرتلنديجي خبرلر يالنيز حضرت جرجيس ين سايتينا داخيل اولور !

6. معنالي بير سوال

معلوم اولاني، "تبريزلي باي بك" ايران تهلوکه سيزليک اورقان لاري نين فعاليتي حاقيندا اينحيصاري خبر کانالينا ماليک دير. منجه اونون آشاغي دا کي سوالا جاواب وئرمه سي مارخلي اولاردي:

- سوال: عجا اگر ايران رژيمي سيزين خبريني وئردی بيز سايتلاردان بيريني آچسا، او سايتين سياستي نه اولابيلر؟
1. **آذربايجان و تورکيه ايقتدارينا قارشى** نيفرت کامپانياسي آپارار يا يوخ؟ تورکيه و قوزئي آذربايجاندان موثبت خبرلري قاپاردار يا چاتيشمامازليقلاري؟
 2. ضياء صدرالاشرافى، حسن شريعمدارى، محمد آزادگر، يونس شاملى، احمد اوبالى وسايير آذربايجان ضيالى لاري و فعال لارينا قارشى کامپانيا آپارار يا يوخ؟
 3. **آنتى ايمپرياليستي** اولار يا يوخ؟
 4. آمئريکائين، قوزئي آذربايجاندا **حربى باز** يارادماسي مسئله سيله ماراخلانار يا يوخ؟
 5. يوخاريدا کي مسئله ايله ماراخلانديغي حالدا بو ايشه قارشى مؤوقع توتار يا يوخ؟
 6. **باکي-تيفليس-جيهان و نابوکو** کيمي ايران و روسيه ني آفسايددا قويان، دونيا ميقياسيندا ايسنتيراتزي اهميتلي لايحه لرله موافيق اولار يا موخالف؟
 7. **يوروويزن** کيمي دونيا سوبه لي مدنيت آرنالاريندا قوزئي آذربايجانين آدي يوکسکلره قالماقلا و گونئي ده بو نائلتيرين اهالي آراسيندا اوز کيمليکلرينه يئني حساسليقلا ياناشمايا تکان وئرمه سيني، آلقيشلار يا يوخ؟
 8. **جورج بوشون** بئابيرچي ليغيني عکس ائتديردي بي حالدا **احمدى نژادين** اوخشار بئابيرچي ليغيني اورت-باسدير ائدر يا يوخ؟
 9. ايراندا و دونيادا گونئي آذربايجاني، هر تشکيلاتين و هر اينتر سايتي نين بير "**ميليلى بايراق**" ايجاد ايندي بي ميلت کيمي گولونج بير وضعيته قويماق ايستر يا يوخ؟
 - 10- همن بايراق معامله سيني **اليغبا و سرحد** مسئله لرينده تکرار ائتمک ايستر يا يوخ؟
 - 11- **آذربايجان ميليلى حرکاتي نين موختليف قول لاري نين بير-بيرلرينه ياخينلاشماسيني** موثبت آدديم کيمي آلقيشلايار يا اونو دا يئني بير توطئه کيمي قلمه وئرر؟
 12. ائله بير سايتين، سيزين ايندي ايداره ائندي بيز سايتا بنزري اولار يا يوخ؟

7. آنتى ايمپرياليستي شوعارلار

1357-جي ايلين اينقيلابينا قدر، حاکيم پهلوي ديکتاتور رژيمي بير باشا غرب بلوکونا داپانديغي سبب دن، بوتون آزادليق سئون اينسانلار، حقلي اولاراق، دينچي، ليبرال يا مارکسيست اولمالاريندان آسيلي اولماياراق، ايمپرياليسمه قارشى شوعارلار وئيردیلر. هامى بيليردي کي، رژيم غريبن دسته بي له آياق اوستونده دوروبدور. 1357 بهمن اينقيلاب پندا بو دورم ديشيدي. يئني رژيم دونيانين ان موستقيل حاکميت لریندن بيرى اولدو و هله ده بئله دير. ايران ايسلام جومهوريتي هئچ شيمالي کره نين چين دؤولتینه باغلي اولدوغو قدر ده هانسي سا خاريجي بير اولکه يه باغلي دئيل دير. سون 30 ايلده شاه دؤوروندن فرقلي اولاراق، ايمپرياليزم له موباريزه آپارماق، اهالي نين و اوپوزيسيونون آزادليق موجاديله سينده وئردى بي شوعار يوخ، حاکيم ديني ديکتاتورانين شوعاريدير. بو مسئله کوبا و ويتنام دا بئله اولموشدور. ائله کي آمئريکا ايمپرياليسمينه قارشى آپاريلان موباريزه نتيجه سينده غربه باغلي اولان باتيستا و گونئي ويتنام رژيملري نين سوقوطو ايله) ترتيبله 31 دکابر 1958 و 30 اپريل 1975) وضعيت ديشير. هم فيدل کاسترون رهبرليک ائندي بي کوبا و هم هوشي مين ين بيرلشميش و خاريجي ايشغالدان آزاد ويتناميندا، داها آنتى ايمپرياليسم آزادليق سئور قوه لرین شوعارلاري سايلميردي.

هابئله بوتون شرق بلوکوندا آنتى ايمپرياليسم حاکيم کمونسيتي ديکتاتور رژيملرين اوز اهاليسينه

قارشي آپاردیقلاري تئروور و وحشت حاکمیتي اعمال ائتمکده بیر بوش شوعار ایدي. میثال اوچون بوتون جمعیت (جامعه) "ك ق ب" و "اشتازي" آقننلري نین ایختیاریندا اولان سوئت ایتتیفاقي و شرقی آلمانیا دا، ایمپریالیست طرفداري یا جاسوسو دامغاسیلا، دؤولتی تئروور حاکیمت آندیردی. ایران ایسلام جومهوریتینده ده ایمپریالیسم (و همین معنادا ایشلنن استکبار ، استعمار و س) طرفداري یا ایمپریالیسم جاسوسی اولماق دینج اهالی نین رژیم طرفیندن معروض قالدیغی تئروور و وحشت کامپانیاسی نین ترکیب حیصه سی دیر و لاغیر. بو فیکیر ده من تک دئیلیم و ایرانین رادیکال سول تشکیلاتلاری نین اکثری، آنتی ایمپریالیست اولماق مودعاسیندان اوزون تاریخدن بری داشینمیشلار.

دونیادا عمله گلیمیش بلوکلار دا، قوزئی آذربایجان و تورکیه جومهوریتلری نین غرب بلوکوندا اولمالاری و ایران ایسلام جومهوریتی نین ائرمینیستانلا بیرلیکده روسیه چین بلوکونون حیمایه سی آلتیندا اولماسینی قئید ائتمک لازیم دیر .

یوخاریدا وصف ائندی یم صحنه ده ایدئولوژی باخیمیندان دا هیستریک آنتی غرب ایسلام فوندامنتالیسمی و یا ایفراطچی کومونیستی مراما اینانمایان و اوزونو تورکچو، آذربایجانچی و حتی ایستیقلالچی آدلانديران شخص ین، آنتی ایمپریالیستی تبلیغاتینی نئچه قیمتلندیرمک اولار؟

اول دستخطی بیر چوخلارینا تانیش اولان جناب واهاب تبریزی نین یازیلاریندا اولان آنتی ایمپریالیستی ایفاده لره بیر نظر سالاق:

"مشکل برخورد شما با طرفین دعوا این است که بطور تلویحی هم که شده از یک طرف دعوا – طرفی که بطور حیرت انگیزی اختیارات رسانه ای در اختیار دارد و هیئت حاکمه ی آمریکا را دشمن اصلی تمامی زحمتکشان و از جمله زحمتکشان آذربایجان و آمریکا نمیداند – حمایت کرده اید! بحضور انورتان عرض کنم که من موافقت صد درصدی با نظریات آقای مددی ندارم و معتقدم که خطر عمده ای که حرکت ملی آذربایجان را تهدید میکند ، بلعیده شدن آن از طرف سران آمریکا بوده و افراط گریهای موجود که به " پان ترکیزم" اشتهاار یافته، یک خطر جزئی وبمراتب کم اهمیت تراست."

واهاب بئی تبریزی نین آچیق آشکار آنتی ایمپریالیستی ایفاده لری، بیر جهتدن چوخ ماراخلی دیر. واهاب بی همین یازیسیندا، اعتراف آندیر کی، اوز آنتی ایمپریالیسم ینده، ایران ایسلام جومهوریتی اولان بلوکونون منافعیندن دانیشیر. دیقت آندین:

"نظر شما در مورد وجوه اشتراک و افتراق جمهوری اسلامی با هیئت حاکمه ی آمریکا چیست؟ اساسا آیا شما این جمهوری اسلامی را در چهارچوب و داخل وزیر مجموعه ی نظام سلطه ی جهانی میدانید یا نه؟ فرق بین این دو چیست؟ سرکرده ی ارتجاع جهانی، آمریکایی که من تعریف کردم ، هست یا نه؟"

"تبریزی بای بک" ده اوز آنتی ایمپریالیستی ایفاده لرینی گئن-بول و هئج بیر قئید-شرط قوبمادان آرایا قویور. او "تورکیه-کورد-ائرمینی آنلاشماشیندا س.ی.ا-موصاد-س.و.ر ایزلری" باشلیغی آلتیندا یازیدا دونیادا قوطب لارین اولماسین و بو قارشی دورمادا آمئریکا ایله روسیه نین هره سی نین بیر قوطب دا اولماسینی باشا دوشدویون گؤستیریر. بو سوزون آردینجا ایستر-ایسته مز اینسان فیکیرلشیر کی اگر شاه رژیم کیمی ایران ایسلام جومهوریتی ده ("تبریزی بای بک" بو رژیم ایشغالچی فارس رژیم ده آدلانديریر) آمئریکا بلوکوندا اولسا، اوندا بیزیم طرفدن آنتی ایمپریالیستی شوعارلار تام منطقی سسلنه بیلر. بورا قدر مسئله یه یاخینلاشمیش "تبریزی بای بک" سانکی حساس مقاما توخوندوغونو دویارکن، مسئله دن ناشیجاسینا قاچماق ایستیر. (نظرده آیین کی بو بی ین اوزونه مخصوص ایمل اینشا طرزی وار و آشاعی دا کی سطیرلرده" قوتوب" یازارکن منظوری "قوطب"دیر!) بی یازیر :

"بیر قوتوبو باشدا آمئریکا اولراق ایسرائیل و موتفیقلری، یاریم قوتوبو ایسه روسیه و بانداشلاری! بو دونیادا بیزیم بئریمیز هاردادیر؟ طبیعی بیزیم بئریمیز تورپاقین تام دبیدیر"

دئمه لي دونيادا ايكي بوخ، اوچ قوطب واريميش !بي ين بوردا مطلب دن قاچماسيني اونون ناشي ليغينا عاييد بير ثوبوت كي مي ديرلنديرمك دوغروسو چتين دير . اونون سايتيندا جابجا آنتي ايمپرياليستي شوعارلار و مودعالار سسلندي بي حالدا، اونون اوز ديلي له دئسك آذربايجاني ايشغال ائتميش فارس رژيمي نين هانسي بلوكدا اولماسي تمل اهميتلي بير مسئله دير.

موقاييسه اوچون تصور ائتمك اولار كي، پولشادا 1980-جي ايللرده "همرايلىك (Solidarność)" تشكىلاتي سوونت بلوكونا قارشى موباريزه آپاراركن، اگر اوراين دموكراتيك حركاتينين منسوبلاريندان بيريسي غرب بلوكونا قارشى آنتي ايمپرياليستي تبليغات آپارسايدى، پولشا آزادليق حركاتي اونون حاقيندا نجه قضاوت انده بيلردى.

ائله بو سبب دن دير كي "تبريزلي باي بك" قافيه نين دارليغيني حيس ائدركن، مطلبه ياخينلاشسادا، ايران ايسلام جومهوريتي نين هانسي ژنو پوليستيك بلوكا باغلي اولماسيني موعينلشديرركن بير دخلي اولمايان جومله يازير: **"بو دونيادا بيزيم يترميمز هاردادير؟ طبيعي بيزيم يترميمز تورپاقين تام ديبيدير"** بو جومله ني يازماق هم شامورتي بازليق دير و هم مؤلف ين چوخ دا نائيو اولماماسينا داير بير علامت . معلوم دور كي صؤحبت "بيز" دن گئتمير. بوردا هئچ معلوم اولمور كي، "بيز" ضميري كي مه دلالت ائدير .

18مارت 2009 تاريخنده نشر اولان بير يازي دا، قوزئي آذربايجان دا كئچيريلن رئفراندوم حاقيندا "تبريزلي باي بك"، رئفراندوما قوبولان اساسي قانوندا كي دييشيك ليكلرده، آمريكا بيرلشميش شتاتلاري نين قوزئي آذربايجان دا حربي بازالار يارادماغي راحتلاشماسي و نابوكو قاز كمرى نين چكىلمه سي نه زمين يارادماق كي مي فيتنه كارليقلار كشف ائتميشدير! بو بي اوزونه مخصوص بير يازي طرزيله سؤزلرين بئله ايفاده ائتميشدير:

"آرتيريم كي آمريكا بو دورومدا ايلك باخيشدا آذربايجانا گليب و بازاسينا يئر ايستيه جكدري! ...داهااسي، نابوكو لاييهه سي اوچون يئني ايشلر ياپيلمالي گورونور! آذربايجان طرفيندن بير چوخلو آلان بو ايش اوچون قوروغا آينمالي اولاجاقدير!"

عجا قوزئي آذربايجان دا آمريكا بيرلشميش شتاتلاري نين حربي بازا يارادماسي يا ايران و روسيه يه باغلي اولمايان نئفت-قاز ايخراج كمرلري چكمك هانسي دوولتين تهلوكي سيزليك اورقانلاريني دائمي نيگرانليقا ساخلاير؟ !عجا به يم، "باكي تيفليس جئيهان" نئفت كمرى، ايران و روسيه دن كئچمه دي بي اوچون، قوزئي آذربايجانا ايكنجى بير ايستيقلال قدر اهميتي يوخدور؟ موعاصير و گله جك دونيانين ايپك يوللاري سايلان ايستيفاده يه وئريلميش باكي-تفليس-جيهان نئفت كمرى و لاييهه لشن (8 ميليارد يورلوق) نابوكو Nabucco گاز كمرى آذربايجانين هر باخيمدان اوروپا و دونيا خريطه سينده اونمي ني آرتيران نهنگ لاييهه لرديرلر. ياديميزداير كي باكي-تيفليس-جئيهان نئفت كمرى لاييهه لشركن، نجه ايران ايسلام جومهوريتي ميلونلارلا دوللار پول و لطايف الحيل له، او لاييهه نين قاباغينا داش ديگيرتمك ايستيردي. هم ده ياديميزدا دير كي ايران رژيمي نين هم سلطنت طلب و هم سول اوپوزيسيونو بو كوردا، عئيني تاكت لا رژيمه سس سسه وئرميشديلر و نهايت 2006 (28 ماي) تاريخنده همين كمر ايشه باشلاياندا بيز بوتون آنتي آذربايجان قوه لر ين موشرتراك عزا مراسيملرينين شاهيدي اولدوق.

"تبريزلي باي بك" ين فعالتي نين مندن قات-قات آرتيق ايزله ميش حورمتلي قلمداش، آيدين تبريزي نين آراشديرمالاريندا، بير چوخ معنالي مقاملارا ايشاره ائدير. او جومله دن اونون ايداره ائندي بي "باي بك" سايتي نين احمدي نژادا مهربان موناسييتيني بير نجه حالدا آچيق آيدين گؤستيرير. اونلاردان بيرينده، اورميه ده احمدي نژادا قارشى آتيلان اياق قابي نين ماجراسيني "گاردين" و بير چوخ دونيا مئدياسيندا عكس ائديلمه سينه باخماياراق، گوز آردينا وورماسيني گؤستيرير:

"آما بوردا بير مساله منيم ديقتيمي اوزونه چوخ چكدى. اونوتماميشيق كي باي بك سيته سي جورج بوش-ا اياق قابي آتيلاندا، نه قدر سئوينديگيني و هاى كوى

سالديغى نى اورتايا قويموشدو و دفعه لرله او خبرى تحريك ائديجي تبتلر ايله ياميشدى. انجاق احمدى نژادا آياق قابى آتيلاندا باى بك تام ايكي گون سوسموشدو!؟" (نه دن «باى بك» اورمونوزون خبريني، احمدى نژادا آياق قابى آتيلماسى باره ده، يامادى؟!)

بیرداها قئید ائديم كي آنتي ایمپریالیسمین ، بیر قاتی کومونیست یا بیر حماسچی طرفیندن بیر معناسی وار و بیر طرفدن گونئی آذربایجاندا توکچولوک مودعاسیندا اولان و عئینی حالدا احمدی نژادین اورمودا بئابیرچی وضعیتیه قالماسینی گیزلدن "تبریزلی باي بك" طرفیندن بام-باشقا معناسی. بو مقاله نین سونوندا من دیرلی آیدین تبریزی نین اوچ مقاله سی نین لینکلرینی وئرمیشم.

8- گون آذ تي وي

"تبریزلی باي بك" سون زامانلار احمد بی اوبالی و گون آذ تي وي یه قارشى آپاردیغی کامپانیادا، آذربایجان ضیالی لاری نین، ایرانداکی توتالیتئر رژیمه قارشى جریاندا اولان ایجتیماعی عوضیانلا باغلی آریا قویدوقلاری فیکیرلرله باغلی دیر.

معلوم اولدوغو کیمی هم سون پرزیدنت سئچگی لری و هم او سئچگی لرین آردینجا باشلایان اعتراض آکسیالاری آذربایجان تورکلری و اونلارا منسوب اولان ضیالی لار و سیاسی قوه لر طرفیندن بیر معنالی قارشیلانمامیشدیر. سئچگی عرفه سینده اولان موباحیته لره داخل اولمادان، حاضیردا ایراندا جریاندا اولان اعتراض حرکاتی حاقیندا عومویته آرمیزدا ایکی فیکیر واردیر:

1. آذربایجان ائله ایندی نین اوزونده، مادامکی رژیم باشقا جبهه لرده تضییق آلتیندایر، اوز میلی ایستکلری و عومومی آنتی دیکتاتورا شعارلاریله اعتراضا باشلامالی دیر. آنتی دیکتاتورا عوضیانیندا ایشتیراک ائتمکله بیز میلیت کیمی فورمالاشیب، داخل ده و دنیا سویه سینده، گله جک موباریزه لریمیزده لازیم اولان یئنی سیاسی اعتبارلار قازانا بیلرک.

2. ایصلاحاتچی لار نه 8 ایل لیک پرزیدنت خاتمی نین دؤورونده و نه نه باشقا بیر واختدا، آذربایجان میلی منافعینه دوشمنلیکلرینده، کونسرواتیولردن گئری ده قالمامیشلار. بیزیم میلی منافعیمیز حاضیرکی موجادیلله ده هئچ بیر جبهه نین طرفیندن تأمین اولمور. بیز اوز پتانسیلیمیزی فارسلا رین داخلی ساواشلاریندا هدره وئره بیلرک.

سؤز یوخ کی هم حقیقی معنادا و هم بوش ایدها کیمی هر ایکی مؤوقع ده رژیم ین بوتولویو یا بیر قانادی نین منافعینی تأمین ائده بیلن مقاملار تاپماق اولار.

بیرینجی مؤوقع دن چیخیش ائدنلر اوچون ده اونلارین آذربایجان میلی موجادیلله سینى یاشیل لارین حرکاتینا قاتماق و رژیم ین داخلی ساواشیندا میلی ایمکانلاریمیزی هزینه ائتمکده قوصولاندىرماق اولار. سون گونلرده "نه غزه نه لبنان جانم فدای ایران" شعاریندا دا آنتی عربیسم و کور فارس ناسیونالیسمی نین قوخوسونودا دویماق مومکوندور.

ایکینجی مؤوقع دن بئله نتیجه چیخارماق اولار کی، بیز رژیمین ایستیراتژی منافعى اساسیندا **اونو بیر آن دا آنتی توتالیتئر اعتراض حرکاتی له برار، غئیری فارس میللتلرین میلی عوضیانلاریلا قارشى دورماق یئرینه، بو حرکاتلا نؤیه ائله و بر-به-بیر اوزلشیب، هامیسنی قودرتله دارماداغین ائتمک شانسی وئرمک** ایستیرک. ایراندا حالیم اولان ایسلام رژیمی بوتون حاکمیت دؤورونون ان جیدی بؤحرانی نی یاشاییر و البته بوگونکو گونده اونا صرف ائتمیر کی هم غئیری فارس میلتلرله اوز-اوزه دایانسن وهم آنتی توتالیتئر عومومی نهضتین دالغالاریلا.

ایران ایسلام جومهوریتی 1980-دن باشلاپاراق، هم غیری فارس میللتی (کرونولوژی ترتیبیله: کورد، تورک، تورکمن، عرب، قشقایی) و هم سیاسی و دینی جریانلاری (ترتیبیله: فرقان، آیت الله سید کاظم شریعتمدار، لبرال لار و میللی مذهبی لر، بنی صدر و مجاهدین خلق، سول تشکیلاتلار، توده پارتیاسی و نهایت اکثریت) بیر-بیر و دوو آریدان بیر حوصله لی قادین کیمی دنله میشدیر. بوگون ده اوزنو حیاتی بیر بؤجران دا گورن رژیم اوچون بیرداها همان سناریو اساسیندا، اول یاشیل لاری و سونرا غیری فارس میللتلرین عوضانلاری قارشی سیندا دورماق داها راحت اولاردی. آذربایجان و ساییر غیری فارس بؤلگه لرینی شیدتلی کونترول آلتیندا ساخلاماق تصادوفو دئیل و ائله بو مصلحت اساسیندا باش وئیر.

آیدین دیر که آذربایجان میللی آزادلیق موحدیله سی نین هر ائتاپیندا یئنی-یئنی مورکب مقاملار آرایا چیخب، و حرکاتین ایشتیراکچیلاریندان سون درجه ده آییق لیق -ساییق لیق طلب ائدن حادثه لر باش وئره جکدیر. بو فیکیر آپریلیغی 2006 مای حرکاتیندا باش وئرمه دی چونکی ماهیتجه او بیر اعتراض آکسیاسی ایدی. او زامان بوتون میللت، میللی فعال لار دا داخل اولماقلا ایغا قالخمیشدی. آما ائله سون آیلارین تجروبه سی بو باخیمدان چوخ دیرلی دیر. اولجه میللی حرکات سئچگی لره قاتیلیب-قاتیلماق و بیرنجی حالدا کیمین ختیرینه موداخيله ائتمک کونوسو اساسیندا، فیکیر آپریقلارینا شاهد اولدو. سئچگی لردن درحال سونرا یئنی پارچالانما آرایا چیخدی کی، هله ده دوامی واردیر. بو فیکیر آپریلیغی سبیلریندن و کیمین حاقلی-حاقسیز اولماسیندان آسیلی اولماپاراق، بیر رئال لیق دیر. البته کی هم بو و هم هر هانسی دیگر مقاملاردا ایچیمیزده هم دوشمن آداملاری نین اولماسی مؤتمل دیر و هم بیزدن اولانلارین سهولری اساسیندا، دوشمنه خدمت ائدن تاکتیک لر و فیکیرلر موجود اول بیلر. بو هر حالدا بیر **اِحتِمَال** دیر و اِحتِمَال لارین یقین اولماسی و خصوصیه کونکرت حال تاپماسی نی ایدعا ائتمک اوچون گرک الده کیفایت قدر نوبوتوموز اولسون.

9- میللی حرکاتین سیرالاریندا یئتگین لیک علامتلی

2006 مای قیامی نین برکتلی تأثیرلریندان بیری، میللی آزادلیق حرکاتیمیزین سیرالاریندا یاخینلیغی آرتیرماق ایدی. بیلدی بینیز کیمی او حادثه لرده میللتیمیز بؤوک سیاسی شعور سویه سی نوماییش ائتدیریب، و میللتیمیزی پارچالایان هئچ بیر احساسی، آشیری یا غیری سیاسی شوعار وئرمه دی. او گونلرده بوتون میللت مئیداندا اولدوغو حالدا، کوچه لر و مئیدانلارین تام میللت ین ایختیاریندا اولماسینا باخماپاراق، میللتیمیز تمکینلی و آغیل لی حرکت ائندی. معروف بیر سؤزدور کی دئیلر، اینقیلاب نه اینکی اهالی نی، بلکه ائله فعال لاری و سیاسی جریانلاری دا پیشیریر. بو تاریخی گونلرین ده بیزیم اوچون بؤوک درسلی واریدی. اولاردان بیری یالیز بوتون میللتین عئینی زاماندا مئیدانا چیخماسی نین، سیاسی ده بیشیکلیکره قادیر اولماماسی و بو ایش اوچون سیاسی لشمک و میللت لشمک و بیر سیاسی شعور، سیاسی ایراده و سیاسی پلانفورم صاحیبی اولان میللت کیمی سیاست مئیدانینا داخل اولمانین ضرورتینی گؤستردی. بو سیفقال لاری آنلایان بوتون سیاسی قوه لر، اؤتن اوچ ایل عرضینده اوز آرالاریندا دیالوقو آرتیریب، بیر-بیرلریله اورتاق مخرج تاپماغا چالیشمیشلار. بو پراسئس ده ان دیرلی رولو اویناماق ائله احمد بی اوبالی یه قیسمت اولموشدور. ائله کی اونو ایداره ائندی بی گون آذ تی وی دن، ماشاالله رزمی، ضیا صدرالاشرفی، علیرضا اصغرزاده، صدیقه عدالتی، هدایت سلطانزاده، رضا براهنی، حسن شریعمداری، محمد آزادگر، هادی سلطان القرائی، یونس شاملی و بیر چوخ ضیالی لارین فیکیرلری سسلنیر.

قئید ائتمه لی یم کی بو یاخینلاشما هر طرفلی اولموشدور. ائله کی سابق ده سوپوق موناسیبتلریله تانینان "ایستقلالچی" و "فندرالچی" دوشرگه لری هر ایکی طرفدن اورتایا و ان اساسی بیر-بیرلریله ایش بیلرلی بی آپارماغا مئیل ائتمیشلر. بو پراسئس ایکی قورویون اوروه بینجه اولمامیشدیر: بیرنجی سی ایران ایسلام جومهوریتی و ایکنجی سی یالیز ایختیلافلی و زهرلی موحیطلرده نشوی نوما ائدن بیر سیرا سویه سیز و خسته آداملار.

10- سون سؤز

"تبریزلی بای بک" بیر طرفدن "سحر" تئله کانالی سایاقي، قوزئی آذربایجانین رهبرلی بینه قارشلی چیرکین بیر کامپانیا آپاریر، اوردا کتچیریلن آنا یاسا رنفراندومون آمئریکایا حربی باز وئرلمکله باغلاپیر و اوردا نابوکو قاز کمری نین چکیلمه سیننی (بیر نقاتیو حال کیمی) کشف و اعلان ائدیر، واهاب تبریزلی نین یازیلارینا گئن بول پئر وئریر و دفعه لرله اونون "اثر"لرینی آکتوتل ماتریال کیمی دوباره اوزه چیخاریر. باشقا طرفدن، گون آذ تی وی و اونون آپاریجی هئیتتی و هابئله بیر چوخ آذربایجان ضیالی لارینا قارشلی نیفرت کامپانیالاری یولا سالیر.

دوغروسو بو بی بین ایشینده هم روحی ناسازلیقدان عذاب چکنلرین. اؤزلرینه قارشلی قصد ائتمکله اطرافین دیقتینی چکمک جهدی نین شاهیدی اولوروق و هم بو هذیانلارین الوان رنگری آراسیندا معنالی رنگر تاپماق موموکوندور. او صاحبیلری نین هویتتی و ماهیتتی معلوم اولمایان نئچه تاخما آد و ایضا ایله بیر میلته بایراق، ایفبیا و دؤولت سرحدلری معین ائتمک ایستیر و بو یولدا اونا لیبیک دئمه یئلری ایتتیهام کامپانیاسینا معروض قویور. کاش بونلار ساده جه بؤحرانلی بیر شخص دن باش وئرمیش عمل لر اولسون.

سبب سیز دئیل کی بیر چوخ آذربایجانلی قلم صاحبیلری اؤز یازیلارینی "تبریزلی بای بک"ین ایداره ائندی یی ساینما یوللاماقدان ایمتیناع ائدیرلر. بو مسئله یه بوگونه کیمی دیقت ائتمه یین دوستلارن دا بو حاقدا دیقتلی اولمالارینی آرزو ائتمک اولار. مقاله می، همین گون آذ تی وی حاقیندا، دیرلی دوکتور علی رضا اصغرزاده نین سوزلریله بیتیریرم. طبیعی کی سون قضاوت اوخوجونون دور. کیمی سه "تبریزلی بای بک"ین و کیمی سه دوکتور اصغرزاد نین فیکرلریله راضیلاشاجاقدیر:

"...بو ایکی موبارک حادثه نین بیری گوناز تی وی (GunAz TV) نین آچیلیشی، و ایکنجیسی ایسه آداب (ADAPP) آدلی تشکیلاتین قورولوشو اولموش. شوبهه سیز کی گونازین آچیلیشی، گونئی آذربایجان تاریخینده یئنی بیر حادثه کیمی دینلندیریلمه لیدیر. ایلک اولاراق، خالقین اوز دیلینده 24 ساعاتلیق بیر تئلوویزیو آچیلیمیش کی سورولاری آذربایجان پرنسپنکتیونیندن آچیقلاپیر و آذربایجان آچیسیندان دونیا یا باخیر. خالقیمیزین تاریخینده بو میثالسیز بیر فنئومئندیر." (اؤیرنجی ساینما نین دوکتور علیرضا اصغرزاده ایله مواحبه سیندن)